



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCXVI. ad annum MCCCCXXIII.

Parisiis, 1644

Sessio I.

urn:nbn:de:hbz:466:1-15653

lium huiusmodi celebrandum in hac ciuitate Constantiensi prouinciæ Moguntinensis, in proximis Calendis Nouembris inchoandum, ipsum Pisanum Concilium rursus continuaturus, intimat de eorundem fratrum consilio, quod* intrabit dictum futurum Constantiense Concilium, Deo fauente, die Sabbati de mane proxime futura, in hac ecclesia Constantiensi, cum Missarum, sermonis ac processionum celebratione in talibus consuetorum. Datum Constantiæ Calendis Nouembris, pontificatus eiusdem domini nostri anno v.

ANNO
CHRISTI
1414.

* incipit

Inchoatio sacri Concilii Constantiensis.

Item dominus noster papa ipsa die quinta, pro felici inchoatione dicti Concilii præmissa solenni processione, adstante cum mitris & habitibus pontificalibus, tam reuerendissimorum dominorum cardinalium, quam archiepiscoporum, episcoporum, electorum abbatum, & aliorum prælatorum cœtu copioso, Missam de sancto Spiritu in ecclesia Constantiensi sollemniter celebravit: & per religiosum virum fratrem Ioannem de Verzellis, sacre theologiæ magistrum, priorem prioratus de Pamonte Bellicensis diœcesis, procuratorem ordinis Cluniacensis, pronuntiatus est sermo ad clerum, perti-

* Ymi-
nonte
* inchoat* f. in-
strumen-
tum &

SESSIO I.

DIE Veneris decima sexta mensis* Nouembris, anno, indictione & pontificatu, quibus supra, sacra & vniuersali Synodo in ecclesia Constantiensi, præsidente præfato domino papa, sollemniter congregata, celebrataque

* Decem-
bris,

ANNO
CHRISTI
1414

Missa de Spiritu sancto per reuerendissimum in Christo patrem dominum Iordanum episcopum Albanensem, sanctæ Romanæ ecclesiæ cardinalem, de Vrfinis vulgariter nuncupatum, cantatisque litanis, & aliis deuotis orationibus pie porrectis ad Deum, idem dominus noster papa inchoans, *Veritatem diligite*, Zachariæ 8. cap. & adducens Zach. 8. auctoritates noui & veteris testamenti, allocutus est Synodum, exhortans omnes ad meditandum, & solerter insistendum super ordinandis his quæ ad ecclesiæ pacem & statum pertinent. Quo sermone perlecto, reuerendissimus in Christo pater dominus Franciscus, sanctorum Cosmæ & Damiani diaconus cardinalis, Florentinus vulgariter nuncupatus, stans in thalamo eminenti, ubi dictus dominus noster sedebat, alta & intelligibili voce legit schedulam sequentem, videlicet:

Ioannes episcopus seruus seruorum Dei, ad futuram rei memoriam.

Intendentes ad executionem eorum quæ per felicitatis recordationis Alexandrum papam V. prædecessorem nostrum in Pisano Concilio decreta fuerunt circa conuocationem Concilii generalis iterum faciendam, dum alias præsens Concilium conuocauimus per literas nostras, quarum tenorem hic duximus inferendum.

B V L L A
CONVOCATIONIS CONCILII.

Ioannes episcopus seruus seruorum Dei, ad futuram rei memoriam.

AD pacem & exaltationem ecclesiæ, & tranquillitatem Christiani populi prompto corde & efficaci desiderio intendentes, ea libenter ordinamus & quærimus, per quæ huiusmodi pax & exaltatio tranquillitatis merito valeat promereri. Dudum siquidem felicitatis recordationis Alexander papa V. antecessor noster, in sacro generali Pisano Concilio tunc præsidens, ex quibusdam magnis & arduis causis eundem mouentibus, ipso approbante Concilio, inter cetera decreuit, iterum generale Concilium extunc ad terminum per se vel successorem suum, in lo-